



Sarajevo, 18.3.2024.

PREDSTAVNIČKI DOM
PARLAMENTARNE SKUPŠTINE
BOSNE I HERCEGOVINE
n/r predsjedavajućeg



BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 18.03.2024			
Organizaciona jedinica	Klasifikaciona oznaka	Redni broj	Broj priloga
01-50-1-		612/24	

R 304

U skladu s članom 166. i 170. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“ br. 79/14, 81/15 i 97/15, 78/19, 26/20, 53/22, 59/23 i 87/23) postavljam sljedeće

POSLANIČKO PITANJE

U kojoj fazi je izrada Plana provedbe Garancije za mlade? Kada možemo očekivati usvajanje?

Obrazloženje:

Garancija za mlade je politička obaveza svih zemalja članica EU da svim mladim osobama od 15 do 29 godina obezbjeđe ponudu za posao, pripravnički staž, volontiranje ili mogućnosti daljeg školovanja i to u roku od četiri mjeseca nakon završetka formalnog obrazovanja ili gubitka zaposlenja. Garancija za mlade je obaveza svih relevantnih sektora u zemlji – izvršne vlasti i zavoda za zapošljavanje, organizacija civilnog društva i biznis sektora, odnosno poslodavaca.

Ekonomsko-investicionim planom za Zapadni Balkan objavljenim od strane Evropske komisije u oktobru 2020. godine, program Garancija za mlade postao je obaveza i za zemlje Zapadnog Balkana koje su kandidati za članstvo u EU, a koje su se obavezale na sprovođenje ovog Programa na Drugom ministarskom sastanku Evropska unija – Zapadni Balkan, održanom 8. jula 2021. godine u Sloveniji, usvajanjem Deklaracije Zapadnog Balkana o održivoj integraciji mladih na tržište rada. Zemlje Zapadnog Balkana nalaze se u različitim fazama implementacije programa Garancija za mlade, a Bosna i Hercegovina je posljednja zemlja u regionu kada je u pitanju sprovođenje programa Garancije za mlade te se još uvijek čeka na usvajanje.

Budući da se u Izvještaju Evropske komisije o napretku Bosne i Hercegovine za 2023. godinu ističe da je postignut ograničen napredak kada je riječ o finalizaciji i usvajanju Plana implementacije Garancije za mlade postavljam gore navedeno pitanje.

Pitanje postavljam Predsjedavajućoj Vijeća ministara Bosne i Hercegovine

Odgovor tražim u pisanoj formi, u skladu s članom 171. Poslovnika Predstavničkog doma Parlamentarne skupštine BiH.

Poslanik SDP BiH
Saša Magazinović